

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### সমর্থন জ্ঞাপন ও জাতীয় ঐক্যের আহবান জানিয়েছে যুক্তরাষ্ট্র

ঢাকা, ১লা মার্চ -- যুক্তরাষ্ট্রের দক্ষিণ ও মধ্য এশিয়া বিষয়ক সহকারি পররাষ্ট্র সচিব রিচার্ড বাউচার আজ সকালে সে দেশের পররাষ্ট্র সচিব হিলারি ক্লিনটনের পক্ষ থেকে প্রধানমন্ত্রী শেখ হাসিনার সঙ্গে টেলিফোনে কথা বলেছেন। বাংলাদেশ ও তার জনগণ যখন বাংলাদেশ রাইফেল্স-এর বিদ্রোহ-পরবর্তী দুঃখজনক পরিস্থিতি মোকাবেলা করছে, তখন তাদের প্রতি অব্যাহত সমর্থন ব্যক্ত করতে এই টেলিফোন সংলাপ করলেন যুক্তরাষ্ট্রের সহকারী পররাষ্ট্র সচিব। এই ঘটনায় যারা বেঁচে গেছেন তাদের সহায়তা করতে, যারা নিহত হয়েছেন তাদের প্রতি সম্মান দেখাতে এবং সংশ্লিষ্ট অপরাধীদের বিচারের সম্মুখীন করতে তিনি সরকারের প্রচেষ্টার প্রশংসা করেন।

সহকারি সচিব বাউচার এই সংকটকালে জাতীয় ঐক্যের প্রয়োজনীয়তার প্রতি গুরুত্বারোপ করেন এবং জাতীয় দুঃসময় কাটিয়ে উঠতে সকল বাংলাদেশীকে একত্রে কাজ করতে আহবান জানান। এই সংকট মোকাবেলায় তিনি সরকার ও বিরোধী দলের সহযোগিতার ওপর বিশেষভাবে গুরুত্ব দেন। তিনি বাংলাদেশ সরকারের প্রতি যুক্তরাষ্ট্র সরকারের সকল সম্ভাব্য সহযোগিতা প্রদানের ইচ্ছার কথা পুনর্ব্যক্ত করেন।

এছাড়া, যুক্তরাষ্ট্র প্যাসিফিক কমান্ডের কমান্ডার অ্যাডমিরাল টিমোথি কেটিং বিডিআর বিদ্রোহে নিহতদের জন্য শোক জানাতে গতকাল ২৮শে ফেব্রুয়ারি সেনাবাহিনী প্রধান জেনারেল মইন উদ্দিন আহমেদ, এনডিসি, পিএসসি-কে একটি চিঠি দেন। রাষ্ট্রদূত মরিয়ার্টি এই সংকটকালে গণতান্ত্রিকভাবে নির্বাচিত সরকারের সমর্থনে সেনাবাহিনীতে নেতৃত্বের প্রশংসা জানিয়ে গতকাল জেনারেল মইনের সঙ্গে কথা বলেন।

এই সহিংসতায় যেসব পরিবার তাদের প্রিয়জনদের হারিয়েছে তাদের ও বাংলাদেশের জনগণের প্রতি শোক জানিয়ে ঢাকাস্থ যুক্তরাষ্ট্র দৃতাবাসে তিনদিনের শোক পালন উপলক্ষে পতাকা অর্ধনমিত রাখা হচ্ছে।

=====

জিআর/২০০৯

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই- মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।